



TOSHKENT DAVLAT YURIDIK UNIVERSITETI REKTORINING B U Y R U G ' I

16.05.2022

111-tm-son

Talabalarga hayfsan e'lon qilish to'g'risida

Bugungi kunda universitetda yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, ularning huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan Toshkent davlat yuridik universiteti (bundan buyon matnda-universitet)da belgilangan Odob-axloqqa oid qoidalarini buzish holatlari kuzatilmoqda.

Xususan, 2022-yil 16-aprel universitetning 2-son Talabalar turar joyi (bundan buyon matnda-TTJ)da istiqomat qiladigan Jinoiy odil sudlov fakulteti 3-kurs, A potok, 2-guruh talabasi Abdirahmanova Dinora Azamat qizi va 2-kurs Rus B potok 1-guruh talabasi Abdusalomova Shaxrizoda Abduxakimjon qizi TTJ 2-binosida bir-birlarini nisbatan o'zaro hurmatsizlik bilan munosabatda bo'lib, qo'pol so'zlar bilan bir-birlarini haqorat qilishgan.

Talabalar D.Abdirahmanova va Sh.Abdusalomovalar o'zlarining yuqoridagi xatti-harakatlari bilan Toshkent davlat yuridik universiteti Odob-axloq kodeksi 18-moddasi birinchi, ikkinchi qismlari (xodim, talaba va doktorantlarning o'zaro munosabatlari milliy qadriyat va an'analar, yagona jamoaviy muhit, o'zaro hurmat va e'tibor, do'stlik, hamjihatlik, halollik va adolat tamoyillariga asoslanishi, xodim, talaba va doktorantlarning o'zaro munosabatlarida inson qadr-qimmatiga hurmatsizlik, shaxsiyatni kamsitish, o'zganing intellektual mulkini o'zlashtirib olish, qo'pollik, behayo so'zlar ishlatish, mushtlashish qat'iyan man etilishi), 26-moddasi ikkinchi qismi to'rtinchi xatboshisi (odob-axloqqa oid milliy an'analarimiz, urf-odat va qadriyatlarimizni hurmat qilish)da belgilangan qoidalarini buzishgan.

Yuqoridagilarni inobatga olib, Oliy ta'lim to'g'risidagi nizom (ro'yxat raqami 1222, 2003-yil 22-fevral) 51-bandi va universitet rektorining 2021-yil 1-martdagi 08-44-son buyrug'i bilan tasdiqlangan Toshkent davlat yuridik universitetining Ichki tartib qoidalari (ichki mehnat tartibi qoidalari)ning 83-bandiga asosan hamda universitet Odob-axloq komissiyasining 2022-yil 19-apreldagi 6-son yig'ilish bayoniga muvofiq,

BUYURAMAN:

1. Toshkent davlat yuridik universiteti Odob-axloq komissiyasining 2022-yil 19-apreldagi 6-son yig'ilish bayoni ma'lumot va ijro uchun qabul qilinsin.

2. Universitetning Jinoiy odil sudlov fakulteti 3-kurs talabasi Abdirahimova Dinora Azamat qiziga hayfsan e'lon qilinsin.

3. Universitetning Jinoiy odil sudlov 2-kurs talabasi Abdusalomova Shaxrizoda Abduxakimjon qiziga hayfsan e'lon qilinsin hamda talabalar turar joyidan chiqarilsin.

4. Jinoiy odil sudlov fakulteti dekani (D.Kamalova):
ushbu buyruq bilan fakultet talabalarini tanishtirsin;
mazkur holat takror sodir etilsa talabalarni talabalar safidan chetlashtirilishi to'g'risida ogohlantirsin;

talabalar tomonidan sodir etilgan holat yuzasidan ularning ota-onasi (yaqin qarindoshlari)ga xabar berilsin;

mazkur talabalarning shaxsiy hujjatlar yig'majildiga buyruq nusxasi tikilishini ta'minlasin.

5. Mazkur buyruq bajarilishini nazorat qilish prorektor A.Xashimhonov zimmasiga yuklansin.

Rektor



A.TASHKULOV

Toshkent shahar

Kiritildi:

Dekan (Fan nomzodi yoki falsafa doktori (Ph.D) ilmiy darajasiga yoki xorijiy davlatlarning unga tenglashtirilgan boshqa ilmiy darajalariga yoki dotsent ilmiy unvoniga ega bo'lgan)

D.KAMALOVA



Kelishildi:

Markaz direktori

S.MAMANAZAROV



Direktor

SH.PO'LOTOV



YOshlar masalalari va ma'naviy-ma'rifiy ishlar bo'yicha prorektor

A.XASHIMHONOV



Katta yuriskonsult

E.XOSILOV

